

Istorgias da la grippa da portgs

DA SILVIO CAMENISCH

Ina magistra, turnada il venderdi da vacanzas en l’Africa dal sid vegn impedida da cumenzar cun l’instrucziun il glindesdi en damaun. Il fitg fitg attent mainascola da quella scola manada, scortà dal cussegl da scola, medi, ambulanza e polizia, pretendan che la globetrotta vegnia subit en quarantena. Là intercurida da radiant sin la grippa da portgs. I gida zunt nagut ch’ella protesta in extremis grittentada davant blers scolars e magistraglia schoccada. L’ambulanza va cun sirena blava en direcziun ospital.

Sonda suenter mezdi en il center istoric da la citad d’uvestg raivan activists sin monuments istorics, lian enturn protegiabuccas alvs a tuttas plasticas ch’els chattan. A plasticas masculinas vegnan montads vidlonder protegiabuccas e protegiapenis alvs, tut lasuenter colorads. A plasticas feminias vegnan liadas enturn protegiabuccas alvs per sura e sut. Quels protegiabuccas sut, che ston vegnir mess en cun maun, hajan num femidom, di a mai ina persuna ch’observa datiers il happening spectacular.

Da tuttas apotecas sorta clientella cun pacs plains protegiabuccas e



tablettas Tamiflu, fertant che massada gliעד dador stauscha da pudair en finalmain. Insatge uschia vesas uschiglio davant las librerias, cur che noss dus, trais auturs da cult rumantschs vegnan or cun novissimas ovras maisterilas. In um sorta cun ils mauns plains tablettas Tamiflu or da l’apoteca, crida tut desperà sco dad avair fatg in gol en la superligue, curra sur via vi senza guardar endretg, seglia direct en in auto. Ses corp vegn bittà enavos cunter la vitrina da l’apoteca, lient exponidas portegiabuccas e tablettas Tamiflu cunter il virus A/H1N1 e mora sin il plaz.

En nossa citad d’uvestg giuvnas zagrendras da Ungharia e Moldavia vidlonder da rubar tablettas Tamiflu or da bursas da gliעד gist stada en las apotecas. Las

giuvnas zagrendras, trante-ren mesas mattatschas gia mammas cun uffants tetants sin bratsch en la publicitad, fan betg cas da spogliar tai en bus, stizuns, supermartgads, u nua che ti stattas. Ellas tschiffantias Tamiflu e tes raps e scappan cuntut duas, trais streglias pli lunsch. Ins s’endisà cun quella. Sch’ins è s’endisà cun las zagrendras en la citad eterna, s’endis’ins er cun ellas en la citad d’uvestg da Cui-ra.

In mainascola d’ina scola manada e cun pretaisa da qualitat, ha gia introducì l’adiever obligatoric da protegiabuccas per situaziuns nua ch’i vegn ensemen massas. Ils dis da visitas da scola duain tuts purtar protegiabuccas, tuttina il di da sport u tar concerts da scola finals avant las vacanzas lungas. En il bogn cuvretg da scola duain tuts uffants e magisters purtar silmain in protegiabucca ed avair prendì ina Tamiflu preventiva. Tgi da vus che di anc ina giada «grippa da portgs» survegn in chasti! Schai be pli correct: virus A/H1N1, uschiglio nagin che cumpra e mangia pli charn da portgs e portgas. Tuts cumpran be pli pulasters dal vendapulasters sin plaz, uss che la grippa d’utschels è pli u main vargada en la proxima regiun, na occupescha nus pli.